

ত্রিপুরা সরকার
তথ্য ও সংস্কৃতি অধিকার

বিধানসভা সংবাদ

স-৫০৭০

আগরতলা, ৫ মার্চ, ২০২৪

চিফ মিনিষ্টার্স মডেল ভিলেজ স্কিম
রাজ্যের ৫৫টি গ্রাম চিহ্নিত

রাজ্য বর্তমানে ৫৫টি গ্রামকে চিফ মিনিষ্টার্স মডেল ভিলেজ স্কিম (সিএমএমভিএস)-র অধীনে আদর্শ গ্রাম ঘোষনার লক্ষ্যে চিহ্নিত করা হয়েছে। এছাড়া ২০২৩-২৪ অর্থবছরে সিএমএমভিএস'র অধীনে আরও ১০০টি গ্রামকে আদর্শ গ্রাম ঘোষণার লক্ষ্যে চিহ্নিত করা হয়েছে। আজ রাজ্য বিধানসভায় বিধায়ক জীতেন্দ্র চৌধুরীর এক প্রশ্নের লিখিত উত্তরে পঞ্চায়েত তথা মুখ্যমন্ত্রী প্রফেসর (ডা.) মানিক সাহা এই তথ্য জানিয়েছেন। তিনি জানান, চিহ্নিত আদর্শ গ্রামগুলিতে বিভিন্ন উন্নয়নমূলক কর্মসূচি ছাড়াও অতিরিক্ত সুযোগ সুবিধার মধ্যে আরও কিছু বিষয়ের উপর গুরুত্ব দেওয়া হয়েছে। এগুলির মধ্যে রয়েছে টিকাকরণ, স্কুল ড্রপ আউট কমানো, মহিলাদের স্বনির্ভর দলের সাথে যুক্ত করে স্বনির্ভর করে তোলা, স্বচ্ছতা এবং পুষ্টি বাগান ইত্যাদি।

মুখ্যমন্ত্রী জানান, ২০২৩ সালের ৩১ ডিসেম্বর পর্যন্ত অতিরিক্ত হিসাবে প্রত্যেক চিহ্নিত গ্রামকে ১২,৬৩,৬৩৫ টাকা করে দেওয়া হয়েছে। উপরন্তু উল্লেখিত তারিখের পর সংশ্লিষ্ট প্রত্যেক চিহ্নিত গ্রামকে ১,৮ ১,৮ ১৮ টাকা করে দেওয়া হয়েছে।
